

Giđa mielde gieganjuola lieđit muohtabotnis badjánit

vilges njuvččat gátti lahkoniit.

Láttu nalde čáhkke suoldni,

lottegoalkki čázi nalde,

vuosttaš lottelávlla jaskatvuođa rihkku.

Geasi mielde láttus čuohkat galleda ruksesguolga,

Beaivváš rieban guolgga binnáš šelggodahtta.

Ruohtta eret láttu luhte,

suoivanii muoraid rieban,

vuovdesuoivanii čiekŋalassii.

Čavčča mielde lasttat eatnamii hiljit sattáhallet,

ruškki fearggat vel bottaš viibet.

Eanan earáhuvvá ruoksadin,

fiskadin ja ruonasin,

geassi duohkái báhcá.

Dálvvi mielde gokčá muohta muoraid, eatnamiid,

lottit girdilit guhkás bárbmui, juosat lieggasii.

Buohkat nagirvárrái jaskkodiit,

čiekŋalii ja jaskadii.

Muhto juos buot dát jávká,

mii midjiide báhcá?

Lilja Laivamaa